



梓里表忠錄卷二

恭親王 鑑定

長白毓

字桂山參閱

綬芬恆

稔壽之撰錄

舒祥號雲峯字子寬籍內務府第二佐領張佳

氏嘗隨父德公諱春任廣西慶遠協副將屬邑

民有持齋立會情事守令請兵剿捕公曰鄉愚

無知若遽臨以兵恐致激變德公從之廉知為

愚民煽惑隨德公往諭以禍福皆感悟焚其違

梓里表忠錄

卷二

一 避熱窩

禁衣物而治其首者德公尋升右江鎮總兵其

近城市肆苦官役之擾聚眾罷市聲言拒捕德

公命公偕幹弁往撫諭遂安眾感公德於白龍

洞建德公與公之生祠祀之嗣德公乞病回旗

公於道光二十四年承襲二等輕車都尉咸豐

二年以遊擊揀發江南明年正月到省適粵逆

竄至總督陸建瀛檄帶標兵赴東西梁山助剿

右膀受槍傷令就醫五閱月乃痊而金陵陷矣

督師向榮以公揀發人員令歸總督怡良常州

行轅差委卽署泰州營遊擊時揚州甫陷泰去揚百餘里民輒逃避公亟諭止之練丁壯爲守禦計復親督兵駐城西扼賊來路賊至仙女廟知有備遂竄六合泰得無擾方戒嚴時其東鄙十三里汪地方匪徒誘附近村圩欲乘隙舉事公偵知其期聲言具狀請兵而前期出不意誘獲首犯悉送揚州軍前正法六年春揚州再陷

梓里表忠錄

卷二

二

泰民遂矢不他徙公選丁壯萬餘人昕夕訓練聲威壯甚賊無敢窺泰者尋補徐州中營遊擊紳民攀留未遽去七年總督何桂清移軍常州

道出泰例當郊迎維時科試人士聚集城鄉而西鄙賊密邇未可遠離公曰事有輕重豈以取悅上憲爲盡職耶竟不出何公乃以公爲綠營出色人員疏請升補海州營叅將泰民乞留不可乃製萬民衣繖哭而送之郊外公至海海素

瘠多盜官兵衣糧不足公爲輪流巡緝法給口糧行未逾年獲盜甚多行旅便之九年豫捻竄逼淮安漕督袁甲三檄公助勦時賊犯海州北

鄙八十里之青口鎮公將赴之或曰袁公權重而性剛不如赴淮公曰淮城有備漕督在焉青口爲北路門戶吾令朱弁防守屬賊至飛報當往援今不救非惟負約是失青口也卒赴青口袁果以不遵調度欲劾之嗣聞其救青口也乃

梓里表忠錄

卷二

三

已青口賊聞公至卽解圍西竄房山鎮公分兵數十多張旗幟尾賊自率大隊掩其後夾擊之陣斬四十餘級餘賊回竄山東是役也以五百人數日解兩鎮之圍何公嘉其能疏請獎勵未幾西捻有欲圖清江之議何公檄公往署河標中軍副將抵任四十日捻匪大至公卽帶兵迎擊頗有斬擒眾寡不敵身被數創力竭陣亡時十年二月初一日也年四十有七同時陣亡者

有淮海道吳葆晉罵賊被害者有署宿南通判
沈鴻事

聞

詔優卹給雲騎尉世職同治三年河道總督吳

棠

爲

公建專祠於清江長子博忠承襲二等輕車都
尉次子博明襲公所得雲騎尉

承祿白佳氏隸頭參領第十一佐領同治元年
春陝西賊竄富水關公以西鳳營參將帶兵迎

粹里表忠錄

卷二

四

擊眾寡不敵力竭陣亡

詔優卹

贈副將銜給雲騎尉世職長子松順承襲次子松連
健銳營前鋒三子松喜四子松齡未仕孫忠昌
忠秀松順之子也忠文松連之子也忠桂松喜
之子也俱幼

德祥那拉氏隸四參領第二佐領由前鋒歷升
前鋒參領咸豐三年髮逆擾及畿南公統本隊

兵隨勦身先士卒擒斬甚多人稱其勇敢云四年三月二十九日寇縣之役公隨提督雙銳攻燬孝頭谷賊巢冒火前進被燒而歿年五十有三事

聞奉

旨照陣亡例議卹給雲騎尉世職公乏嗣以堂姪杞

郎阿承祀嗣征豫省土匪以功授委前鋒參領於同治三年九月積勞卒於開封軍營年僅三

梓旦表忠錄

卷二

五

十竟以無嗣絕其襲蔭

定奎蘇完呢瓜爾佳氏隸四參領第五佐領少

孤貧性耿介質樸無文平居木訥寡言笑臨陣

則勇氣過人咸豐三年秋粵逆北犯京師設巡

防

詔禁旅南出迎勦公以護軍校充隊長歷連鎮高唐

每戰輒居前行其勇與成山等人皆以愍目之

成山者護軍校蒙古人也凱旋以勞勸洊升護

軍參領時京餉支絀禁軍苦甚公入值

隆宗門冬月惟衣一敝袍恬如也十年京師戒嚴
公帶本甲喇兵出禦於八里橋橋南諸軍爲敵
所乘多溺於水公隨領軍者列橋北敵大至眾
亦潰惟公與執纛護軍希齡屹立不動誓死橋
上領軍者回顧見之使人挽之去公深以不得
死爲恨云同治元年冬副都統成保奉

命將神機營練卒勦山東土匪宋景詩成與公同旗

梓里表忠錄

卷二

六

同官諗公勇檄與偕明年八月十一日賊竄堂
邑成保迎擊眾潰被執公聞之大呼成保親兵
十數人急追至魏家店遇見賊目踞胡床迫成
保使跪公憤甚同行數人者皆怒罵直前欲以
火銃斃成保以免其辱羣賊環刺公體無完膚
比死罵不絕口同死者五人爲鑲黃旗滿洲擬
補委護軍參領烏忠阿六品軍功護軍德興護
軍常陞正白旗蒙古六品軍功護軍恒奎正藍

旗滿洲護軍哈凌阿也餘眾逃歸始知公死事
狀舉軍爲之悲泣旣而賊縱成保歸僅以六人
接仗陣亡聞比主帥廉得其實而已出奏矣怒
褫成保職公例得世職其子愛洪阿越三年始
襲雲騎尉

卓爾歡庫穆圖氏隸頭叅領第十五佐領官江
西甯都營參將咸豐八年十一月賊由信豐陷
南安逼府城公督率官紳兵勇嬰城固守賊潛

梓里表忠錄

卷二

七

用地雷轟塌南門城牆公帶勇巷戰身受多傷
勇潰賊擁公至府署鼓樓火焚死子驍騎校崇
禧承襲所得雲騎尉

明恒塔他拉氏隸四叅領第一佐領由三等男
爵世管佐領揀發雲南遊擊署東川營叅將咸
豐三年十二月二十三日奉

上諭御史英滙奏明恒在東川屬之溫丹厥帶兵彈
壓被戕身死所奏情形與該督等原奏情形未盡

符合著羅繞典迅卽查明據實覆奏並著正白旗
滿洲都統查傳該故員家屬詢問如何被難情節
卽行奏聞等因欽此本旗傳問其女曾接伊叔雲
南武定營叅將明慶家信內稱明恒於本年三
月二十五日因狍匪滋事帶兵彈壓追至烏竜
寨被戕現在狍匪敗散有逃出脚夫帶領家丁
什兒等已將屍骸尋獲暫停東川府城昭忠祠
內等語據情覆

梓里表忠錄

卷二

八

奏嗣經雲貴總督吳振械以帶兵追勦狍匪迭受

重傷跌崖殞命實屬奮不顧身核與追賊打仗
登時陣亡無異自應給與卹典以慰忠魂議給
雲騎尉世職歸併爲二等男爵無子以胞弟明
慶之子志廉爲嗣復遭狍變迄無音耗云

穆騰額趙佳氏隸五叅領第十三佐領咸豐九
年三月署四川會川營叅將十一月滇匪攻陷
州城巷戰受傷逾月而歿奉

旨照陣亡例賜卹給雲騎尉世職子烏林德承襲

烏爾滾珠瓜爾佳氏隸頭叅領第九佐領咸豐

六年正月初九日奉

上諭蔣蔚遠等奏查明殉難各員懇恩優卹等語著
丹江營叅將普安營遊擊烏爾滾珠著交部從優
議卹等因欽此

贈叅將銜給雲騎尉世職子門干總吉爾哈春承襲
捐納都司分發直隸孫慶瑞幼

梓里表忠錄

卷二

九

長奉號吉庵塔壯毅公季子長武壯長勤勇二

公之胞弟也幼承家學騎射絕倫充十五善射

以護軍校爲官學教習成豐初膺大員子弟選

特賞四等侍衛洊升二等十年揀發直隸遊擊會僧

親王統兵勦匪於畿南諭公勇與偕行以肅清

白蓮池教匪功

賞戴花翎尋署大沽中左營都司剿賊臨清歿於陣
贈叅將銜給雲騎尉世職無嗣胞姪承祿世其官

瑞琳號萼樓佟佳氏隸三叅領第七佐領前任

吉林將軍福公

諱

珠隆阿之子也承繼胞叔

盛京刑部侍郎齡公

諱

鑑爲嗣由捐納筆帖式洊

升員外郎久淹郎署鬱鬱不得志遂鬻舊宅以資降捐知縣選授江西永豐縣咸豐五年冬賊陷鄰邑警疊至其僕有王義者曰城且不守主曷早爲計公以具狀請兵告僕曰諸帥擁兵坐視失郡城況此小邑誰是應援者不如取庫儲

數千金奴奉夫人趨省垣主帶壯勇厚其餼出舍郊外先以募練禦賊牒諸上憲賊來則避之不幸城陷則以帶勇接仗受傷致賊分股闖入縣城現已招集鄉團籌畫攻剿爲詞迨賊飽掠棄城他竄再以克復馳報功過足以相抵奴以所携金賄諸憲幕仍可留任辦理善後公大怒曰城亡與亡吾分也汝眞忘義矣叱之去僕卽日携孥遁俄而賊大至十二月初六日城陷公

率勇巷戰力竭而歿年五十事

聞

詔優卹

贈道銜給雲騎尉世職長子步軍統領衙門筆帖式
綸恩承襲現任河南河北道次子隆恩理藩院
筆帖式孫桂秀幼

恒廉號隅庵納拉氏隸二叅領第四佐領由嚮
導處筆帖式洵升副護軍叅領咸豐二年棟發

梓里表忠錄

卷二

十一

湖北遊擊明年閏四月在天門縣剿賊陣亡逾
數歲其子惠斌始襲雲騎尉未幾天殤

松齡號雲峯伊爾根覺羅氏隸三叅領第十四
佐領由前鋒擢藍翎侍衛升三等咸豐五年棟
發廣西都司到省卽署提標右營遊擊七年八

月初七日在靈川縣五里牌地方遇賊接仗受
傷落馬遇害年三十有八乏嗣胞弟松秀承襲
所得雲騎尉世職

成瑞隸四叅領第一佐領官外火器營副鳥槍
護軍叅領在河南軍營陣亡議給雲騎尉世職
子富齡承襲

慶安號恬齋巴雅拉氏隸五叅領第一佐領父

達公諱賚官護軍叅領抗直有古風嘗語後進

曰我滿洲以武備起家不可失本業故公雖讀
書尤善騎射由繙譯生員中道光庚子科繙譯
舉人考取中書甲辰成進士選授

梓里表忠錄

卷二

十一

盛京刑部主事轉內倉監督任滿調京刑部充

賈錄館纂修官擢軍機章京尋以直隸州揀發雲南借

補安甯州調元江直隸州時滇徇倡亂奉檄帶

勇剿賊咸豐八年三月收復祿豐縣安甯州兩

城嗣大理府被圍碧雞關爲會垣咽喉賊踞之

糧道斷絕公力攻碧雞並破夏家窟蜜蠟寺土

堆紅廟白馬寺諸賊壘省圍解復將賊匪久踞

之右江館老巢踏毀上其功

賞戴花翎嗣武定夷匪竄擾富羅地方海口昆陽賊
聞兵勇勢分糾黨分撲練營直犯州城八月二
十四日援絕城陷督練巷戰身受重傷回署被
戕公在任未久宦囊盡充練費旅櫬數載始得
歸旗長子軍功藍翎從九品鍾廉承襲所得雲
騎尉次子鍾泰護軍

恩興塔他拉氏隸頭叅領第二佐領官江南河
標佃湖營都司咸豐九年夏粵逆糾合捻匪圍

梓里表忠錄

卷二

十三

定遠公與知縣周佩濂隨前淮揚道郭沛霖激
勵兵勇百計固守賊氣沮解圍去及來安旣敗
復率大隊擁至城遂陷公與郭道周令暨外委
周汝諮周炳濂皆巷戰以殉

詔優卹

贈遊擊銜給雲騎尉世職子官學生延善承襲

和英號菊舫塔他拉氏隸四叅領第一佐領父

達公諱春王府長史兼公中佐領公幼承家訓

喜讀書性至孝達公年八十疾篤躬侍醫藥衣帶不解者累月既遭大故毀瘠骨立天性然也少應童子試爲庠生考取筆帖式補缺翰林院京察一等擢伊犁糧餉章京署理事同知捐備軍需辦理茶課出力奉

旨作爲實缺理事同知

賞加知府銜尋調伊犁撫民同知歷任皆有政聲復因督辦夷務出力奉

梓里表忠錄

卷二

十四

旨以知府留甘肅同治元年三月署慶陽府知府會陝西逆獮分竄奉檄單騎馳往甯州邀集紳民設團局數十處練丁壯數萬人親歷各隘口立堡浚濠布置周密賊偵知防嚴未敢西犯會學使按臨公例充提調回郡之日父老攀轅請留公慰遣之明年總督熙麟駐節慶陽委充行營總理適獮逆攻平涼急守令上書乞援公慨然請行熙公壯其志分軍令之往遇賊於平涼四

十里堡一戰敗之進軍古城堡詎大股虜至圍
數匝公率眾左右衝突圍開而復合日且暮遂
擇山半之二郎廟築壘以待後援而賊聚愈眾
相持四日矢竭藥盡兵勇憊已極公謂之曰今
食乏援絕眾且饑餓死曷若拚死一戰皆感奮
整隊而下與賊鏖戰逾時傷亡過半公憤甚手
刃數賊身被多傷與幕客博士宗庠同歿於陣
時同治二年四月二十六日也公無嗣以仲弟
和貴子福昌爲嗣時僑居涇州義勇負公骸歸
之於涇事

聞

詔於殉難地方建立專祠給雲騎尉世職福昌承襲
歸櫬之日慶陽士民不期而會者數千人哭而
送之境外

霍隆武瑪佳氏隸三參領第十二佐領由三等
侍衛揀發四川都司署松潘中營遊擊咸豐十

年九月番眾叛圍廳城糧盡援絕城陷公率兵
勇巷戰受傷以救得脫傷潰久不愈十一年八
月卒於水晶鋪議給雲騎尉世職子鳳麟承襲
肅慶字秋帆號小田籍內務府第三佐領輝發
那拉氏幼隨父福公諱珠朗阿官四川輒習其
土宜咸豐初由監生選福建莆田令未赴改四
川彰明縣五年補隆昌縣有政聲九年滇匪入
川奉檄會鄰縣薛連唐炯剿賊輒勝是年保薦
卓異未上聞而滇匪日逼力籌戰守十年六月
藍大順分黨攻富順道隆昌公調集練勇入百
人至响石場遇賊約萬餘迎戰獲勝公慮前軍
有失揮親兵助之賊潛由甘蔗林襲其後公手
刃數賊受刀矛傷四十三處力竭陣亡僕人何
才彭壽常喜劉杰程全隨同戰歿

詔贈直隸州知州銜從優議卹公既亡賊徑撲縣城
守者禦之是夜賊陣忽亂自相攻擊死者無算

比明遁去有二賊癡立就擒沃以水始豁然詢其故云夜見城上燈光樹肅字幟飛軍出互格殺遂昏瞶無所知蓋二賊卽賊公者於是紳民收公屍殮之而剖二賊心以祭公縣城及响石場各建祠五僕人耐焉子恩琦於同治二年承襲雲騎尉

格圖肯隸五叅領第八佐領官陝西提標中營守備奉調帶兵赴湖南剿粵逆咸豐二年七月

梓里表忠錄

卷二

十七

二十八日禦賊於長沙之石馬鋪陣亡

詔優卹

贈都司銜給雲騎尉世職胞弟格綳額承襲

穆津塔他拉氏隸頭叅領第五佐領以外火器營委烏槍護軍叅領陣亡時地無考所得雲騎尉長子凌志承襲次子凌秀烏槍護軍

希慶字聲甫籍內務府第三佐領輝發那拉氏生而有義概聞談古忠義事輒心識之比長從

其父福公諱珠隆阿宦遊吳楚博覽名山大川

又從張仙槎黃吾園輩遊以意氣相激發仕內
務府筆帖式以能出爲乍浦理事同知改署合
州同知台故善地又近海饒魚鹽之利宦其地
者多家焉公力革其弊政之利民者爲之害民
者去之經營措施兩月有餘頌聲作焉會黃岩
土寇大起黃台之隣境也公遍召諸同事噴曰
語曰賊之起也誰之咎曰黃岩起而平之誰之
梓里表忠錄

卷二

十六

事曰黃岩然則與我無與乎咸囁嚅未有以應
乃徐曰有急當共任之觀望非臣子也泣數行
下召其僕曰我知有

國耳家事汝好爲之遂以眾行是時賊張甚公欲
自往麾其眾去眾不忍戰兩時軍潰而歿時年
三十有六有生還者見公死時身被數十創猶
強立不倚手刃數賊其義勇如此公之未仕也

輒語人曰人當爲

朝廷建勳業老死牖下非丈夫也卒無負其言公
兩娶皆不育乃以其胞姪舉人奎襲襲其所得

雲騎尉

霍隆武塔他拉氏隸四叅領第一佐領充步軍

校咸豐三年粵逆擾畿疆以技勇營兵從總兵

達洪阿迎勦轉戰數有功四年二月初五日進

攻賊巢自恃武勇首先登圩受重傷逾時而殞

議給雲騎尉世職長子克什布承襲次子尙那

梓里表忠錄

卷二

十九

布技勇兵

存德卓佳氏隸三叅領第六佐領由外火器營

烏槍護軍校升空花翎咸豐三年帶本隊兵勦

匪於畿南十一月二十三日賊出獨流鎮拚死

鏖戰逾時受矛傷墮騎長子烏槍護軍慶齡趨

救同時陣亡給雲騎尉世職嫡孫興志承襲次

子慶印礮甲孫興光幼

定福穆爾察氏隸五叅領第一佐領充火器營

空花翎咸豐四年春在阜城軍營首攻賊壘槍傷中腦而殞議給雲騎尉世職繼子富春承襲全勝那拉氏隸五叅領第四佐領以烏槍護軍校隨僧王軍勦辦擒匪轉戰數省同治二年六月十五日甘官屯之役歿於陣

詔優卹

贈防禦銜給雲騎尉世職長子額圖洪額承襲次子額勒崇額幼

梓里表忠錄

卷二

二

濟昌籍內務府第五佐領由官學生於嘉慶間捐納筆帖式中式道光乙酉科舉人充

國史館收掌官選補江西新淦縣尋調德化縣兼護九江同知籌辦江防捐修九江府城垣

賞加知州銜道光二十八年以治行卓異薦薦嗣俸滿引

見咸豐元年奉

旨發往廣西以知縣用嗣補陽朔縣督師賽相國

尚

阿
檄辦糧台事務調署富川縣甫蒞任而賊大
至兵少糧乏不可戰率士民嬰城固守三日城
破或勸之走避公曰吾爲

朝廷守土城亡與亡義也端坐廳事罵賊不屈被
戕時咸豐五年正月十七日也事

聞

詔優卹給雲騎尉世職子莊山承襲現任武備院筆

帖式

梓里表忠錄

卷二

五

富山那拉氏由健銳營前鋒升前鋒校同治元
年以本隊兵從副都統成保勦山東逆練宋景
詩輒以少勝眾二年正月初二日進攻冀州王
家莊賊巢首先衝入身受重傷歿於陣年四十
有六

詔優卹

贈防禦銜給雲騎尉世職無嗣胞姪委前鋒崇興崇

陞先於咸豐十一年正月十一日在李家集勦

捨同時陣亡以故絕其襲蔭焉

郭紳富察氏隸頭叅領第三佐領咸豐三年秋以護軍校從侍郎培

成

迎剿髮逆四年四月十

六日圍賊阜城轉爲賊乘力戰陣亡給雲騎尉

世職長子全順承襲孫瑞斌瑞連幼次子全喜

故孫瑞慶幼三子全恒三等侍衛孫瑞祥幼

都隆阿西塔拉氏字顏齋隸三叅領第十六佐

領充健銳營前鋒校咸豐十年率本營兵赴天

梓里表忠錄

卷二

三

津海口防堵七月初七日在石縫陣亡年六十

有一

詔優卹給雲騎尉世職乏嗣以胞弟之孫葉普肯承

襲

玉奎卓佳氏隸頭叅領第一佐領爲人謹愿好

騎射咸豐三年以健銳營藍翎長隨副都統達

洪阿

迎剿髮逆經數十戰殺賊甚夥八年從護

軍統領珠勒亨

勒亨

防海九年復隨督師曾親王防

海積功授前鋒校十年七月初五日在石縫陣
亡年五十議給雲騎尉世職長子榮海承襲次
子榮齡委前鋒

雙保瓜爾佳氏隸二叅領第十三佐領充

圓明園護軍校咸豐十一年隨督師勝保勦辦山

東捻逆五月十三日進攻冠縣首先登城致受
重傷而殞年三十五例得雲騎尉世職乏嗣絕
其襲蔭

梓里表忠錄

卷二

三

塔克慎張佳氏隸四叅領第十四佐領充外火
器營烏槍護軍校咸豐九年五月二十五日海
口接仗中礮陣亡議給雲騎尉世職子儒斌承
襲弟特克慎以烏槍護軍從僧親王勦捻匪十
一年正月戰歿於李家集

玉麟穆佳氏隸三叅領第十二佐領以烏槍護

軍校咸豐十年從僧王軍勦直東土匪大軍甫

抵任城值豫捻犯東境迎擊之偵騎誤突遇賊

於鉅野之羊山鏖戰兩晝夜爲賊所陷是役也
陣亡伍長兵丁六百六十餘人官一百七十餘
人公預焉議給雲騎尉世職子德明承襲

克興額索察氏隸五叅領第六佐領充烏槍護
軍校在僧王軍中屢立戰功加額外空花翎咸
豐十一年夏勦捻陣亡失其地議給雲騎尉世
職長子吉秀承襲次子松秀烏槍甲

德秀白佳氏隸四叅領第十三佐領由外火器

梓里表忠錄

卷二

三

營烏槍護軍從僧王軍迎勦粵逆於畿南勇往
敢戰王獎以六品藍翎額外護軍校咸豐四年
五月二十六日在連鎮打仗骹受礮傷鉛丸未
出飭回營調養旋卒於京照陣亡例議卹給雲
騎尉世職弟德安承襲

穆精額佟佳氏隸四叅領第六佐領以烏槍護
軍校陣亡時地無考所得雲騎尉世職胞弟格

綳額承襲

德克精額賈佳氏隸三叅領第十五佐領充外
火器營藍翎長咸豐十年津郡設防六月二十
八日敵攻石縫海口歿於陣年五十二

詔優卹加七品銜給雲騎尉世職長子榮貴承襲次

子富貴幼

連陞字鵬飛富佳氏隸三叅領第十六佐領父

格公

諱

洪額官山西蒲州協副將嘗統所部協

剿豫捻駐盱眙治軍夙嚴有兵丁方幘保者勾

梓里表忠錄

卷二

三五

結蔣家集賊襲營遇害統帥以激變聞

上命詳查事竟寢人咸寃之公幼有孝行家夙裕而

勤儉習勞苦以藍領長從征直東以敢戰聞咸

豐十一年正月十一日李家集之役歿於陣議

給雲騎尉世職之嗣胞弟候補筆帖式連福承

襲

常祥塔他拉氏隸頭叅領第五佐領以烏槍藍

翎長陣亡時地無考所得雲騎尉長子尙印承

龔次子尙全馬甲

圖奇賁巴雅爾氏隸頭叅領第十七佐領充健
銳營副前鋒校咸豐三年九月從征髮逆十月
十三日在獨流力戰受重傷明年三月二十六
日傷發身故照陣亡例議給雲騎尉世職長子
海亮承龔次子海成三等侍衛三子海桂前鋒
宗庠舒穆魯氏隸頭叅領第十七佐領幼習天
文家學充欽天監博士爲同旗甘肅知府和英
梓里表忠錄 卷二

三六

古城堡

詔從優卹給雲騎尉世職之同胞姪恩祿承龔

哈普齊先布李佳氏隸二叅領第十三佐領充
衛千總闔家殉難於江甯府

覺羅瑛桂號月樵隸三叅領第十佐領道光甲

辰科舉人同治癸亥科進士以刑部主事告降

歸班同治六年選補四川永甯縣知縣明年携

眷赴任道經直隸南皮縣賊匪猝至從者勸其
微服避之公曰我雖無守土責亦

朝廷命官豈可遇難而逃遂坐邸舍罵賊不屈與夫
人彭氏胞弟瑛樞弟婦索佳氏子婦王氏同時
遇害僕人王升護子女逃避而公長子庠生瑞
昌次子普昌迷失渺無下落叅佐以事申轉

上聞

飭交直督查明議給八品廕監生三子善昌承廕

梓里表忠錄

卷二

二十七

